

AMA BIRJIÑA GUADALUPE-KOARI.

*Pekatarijen laguntza,
Erregiña Zerukoa,
Bedeinka gaitzatzu jarren!
Ama Guadalupe-koa.*

Pozturikan arkitzen da
Ondarribiya guztiya,
Jaizkibel-en ikusirik
Izar chit dizdizariya:
Zure mendean jartzen da,
Zugan dauka ¡bai! gogoa;
Bedeinka gaitzatzu jarren! etc.

Beti maita izan dituzu
Jaizkibel-peko semeak;
Konsola dituzu beti
Baldin badaude tristeak:
¡Beti! ¡beti! izan zera
Gure Ama chit gozoa:
Bedeinka gaitzatzu jarren! etc.

¡Zenbat aldiz salba dezu
Ondarribiya noblea,
Ager ziñan ezkeroztik
Argitasunez betea!
Zugan dator eskeintzera
Gaur bere biyotz osoa;
Bedeinka gaitzatzu jarren! etc.

Uri leyala zegoen
Estutasun chit aundiyan,
Gogorkiro ertsiturik
Etsaiz inguru guztiyan;

Zuk zenduen ¡zuk! libratu,
Uso santu Zerukoa;
Bedeinka gaitzatzu jarren! etc.

Itsasoa dagonean
Orroaz, arroturikan,
Zuri deitzen dizute
Itsastarrak bioztikan;
Zu zera berentzat, gabaz
Izar egun-sentikoa,
Bedeinka gaitzatzu jarren! etc.

Zugan da fedez beterik,
Etortzen nekazariya,
Bere lurrak eskatutzen
Diotenean euriya:
Zuk diozu biraldutzen
Euri ugari gozoa;
Bedeinka gaitzatzu jarren! etc.

Miñez, oñazez josirik
Eriya dagoanean,
Biotza zugaratzen du
Duen estutasunean:
Bada zuk sendatzen dezu
Zugan datorren gaiñoa;
Bedeinka gaitzatzu jarren! etc.

KARMELO ECHEGARAY-KOAK.